

Se ponta via co “Youth Revolution – L consei del davegnir”

Ai 16 de mèrz la pruma scontrèda del projet, de chel che se à cruzià l'assessor del Comun General de Fascia a la politiches di joegn con “La Risola”, out ai bec anter i 15 e i 19 egn, che i vel se meter a la leta de la comunanza

L'é stat pissà dal **Comun General de Fascia**, avisa da Matteo Iori assessor a la politiches di joegn dessema col Pian di joegn de raion “La Risola”, “**Youth Revolution - Il consiglio del futuro**”. L projet, che l scomenzerà via ai **16 de mèrz** da les cinch domesdì te Comun General de Fascia, l'é out a **duc i joegn** anter i **15** e i **19 egn**, che i à chela de se arvejinèr a la politica, che i vel se meter a la leta de la comunanza e se tor sù na responsabilità sozièla. Per ic l'é stat pissà na **formazion percacenta** che la perveit, fin a la metà de mé, **cinch scontrèdes** con esperc, la partezipazion al **consej provinzièl** de Trent e n viac de **trei dis** a Roma co la vijita al **Parlament Talian** e ence de meter sù n “**Consej di joegn**” de val, per se meter a confront e endrezèr proponetes e soluzions en cont de desvalives argomenc, col didament de l'assessor a la politiches di joegn del Comun General de Fascia.

I joegn che se dèsc jù te la “Youth Revolution”, i podarà rejonèr de: “Che él pa la politica?”, con **Lucia Fronza Crepaz**, ex parlamentèra e ades conseiera provinzièla a Trent, che en mercol ai **16 de mèrz** la **ponta via** col zicle de formazion; de “Analisa de n teritorie” co l'ex assessor provinzièl e fondador del grop “Artegiovane” **Tiziano Salvaterra**; de “I enc locai” con l'assessor provinzièl **Carlo Daldoss**; del “L statut e de l'autonomia de la Provincia de Trent” col conseier ladin **Giuseppe Detomas** e dò la scontrèda i podarà tor pèrt al consej provinzièl; de “L Stat” con l'on. **Sergio Divina**; de “Che velel pa dir dreta e cencia?”, e meter a jir na proa e n debatit politich en cont de trei argomenc (che pel cerner chi che tol pèrt) coi conseieres provinzièi **Claudio Civettini** e **Lucia Maestri**. A la fin de la scontrèdes, l'enteressant viac te la capitala con la vijita a l Parlament.

Info: www.larisola.com; cost 70 euro tout ite la trasfertes a Trent e Roma.

Comun General de Fascia
Strada di Pré de geja, 2
38036 Pozza di Fassa (TN)
tel. +39 0462 764500 fax 763046

Elisa Salvi
ufficio.stampa@comungeneraldefascia.tn.it
cell. 3396233967